

Հ.Պ. Ղարիբյան, Ա.Զ. Գասպարյան

## ՊԱՇՏՊԱՆԱԿԱՆ ԿԱՌՈՒՅՑՆԵՐԻ ՕԳՏԱԳՈՐԾՈՒՄԸ ԽԱՂԱՂ ՊԱՅՄԱՆՆԵՐՈՒՄ

Բնակչության պատասխարումն իրականացվում է վերգետնյա, ստորգետնյա հատուկ շինություններում (ապաստարաններ, թաքստոցներ), ինչպես նաև բնակելի ֆոնդի տարածքներում: Հասկանալի է, որ վերոգրյալ և ստորգետնյա հատուկ շինությունները քաղաքացիական պաշտպանության պաշտպանական կառույցներ են, որոնք նախատեսված են բնակչության ու նյութական արժեքների պատասխարման համար:

Պաշտպանական կառույցների օգտագործումը խաղաղ ժամանակ տնտեսության և հանրային ծառայությունների կարիքների համար հանդիսանում է արդիական խնդիր:

**Առանցքային բառեր.** պաշտպանական կառույց, բնակչության պատասխարում, պարզագույն թաքստոց, վերգետնյա և ստորգետնյա հատուկ շինություն:

Հայտնի է, որ զանգվածային ոչնչացման զենքի, ինչպես նաև ոչնչացման հատուկ միջոցների ազդեցությունից մարդկանց կյանքի ու գործունեության ժամանակավոր ապահովումը համապատասխան շինությունների տարածքում կոչվում է պատասխարում, ինչը հանդիսանում է քաղաքացիական պաշտպանության ձևերից մեկը [1]:

Քաղաքացիական պաշտպանության պաշտպանական կառույցները վերգետնյա և ստորգետնյա շինություններ են, որոնք նախատեսված են մարդկանց ու նյութական արժեքների պատասխարման համար: Այդ կառույցները կարող են օգտագործվել խաղաղ ժամանակ նաև տնտեսության և հանրային ծառայությունների կարիքների համար: Այս երկակի օգտագործման սկզբունքը թույլ է տալիս ոչ միայն արդյունավետ օգտագործել այդ կառույցները, այլև պահպանել դրանք լավ և պատասխարվողներին ընդունելու պատրաստ վիճակում:

Խաղաղ ժամանակաշրջանում կառույցի սպասարկման և պատասխարվողների առկայության պայմաններում դրա օգտագործման պատրաստակաՆության ապահովման համար ստեղծվում են պաշտպանական կառույցների սպասարկման խմբեր:

Պաշտպանական կառույցների օգտագործումը խաղաղ ժամանակ տնտեսության և հանրային ծառայությունների կարիքների համար իրականացվում են ՀՀՇՆ 31-10-2022 և այլ կարգավորող փաստաթղթերի պահանջներին համապատասխան, ինչը չպետք է նվազեցնի այդ կառույցների պաշտպանական հատկությունները և դրանք պատրաստության բերման ժամկետները, իրենց նպատակների համար օգտագործման պատրաստակաՆությունը [3]:

Խաղաղ ժամանակներում պաշտպանական կառույցներն այլ նպատակներով օգտագործելու հնարավորությունները թույլատրվում է ՀՀ պաշտպանության և ՀՀ ներքին գործերի նախարարությունների տարածքային մարմինների համաձայնությամբ:

Խաղաղ ժամանակներում պաշտպանական շինությունները բնակչության սակավաշարժուն խմբերի կողմից օգտագործելու նպատակով, դրանց մուտքերն անհրաժեշտ է կահավորել հատուկ սարքավորումներով, համաձայն ՀՀՇՆ 31-10-2022 և ՀՀԿԿ 23-101-2017 նորմերի պահանջների [3, 4]:

Տարածքների ազատումը գույքից իրականացվում է պատասպարման ռեժիմի անցման ժամանակ 6 ժամից ոչ ավելի ժամանակում:

Քաղաքացիական պաշտպանության օբյեկտների և գույքի օգտագործման կարգի մասին կանոնակարգը և քաղաքացիական պաշտպանության օբյեկտների ու գույքի նկատմամբ իրավունքների և պարտականությունների օրինակելի պայմանագիրը սահմանված է ՀՀ կառավարության որոշմամբ:

Քաղաքացիական պաշտպանության օբյեկտների և գույքի նկատմամբ իրավունքների ու պարտականությունների, ինչպես նաև քաղաքացիական պաշտպանության միջոցառումների իրականացման վերաբերյալ կնքվում է պայմանագիր:

Պայմանագիրը ստորագրում են կազմակերպության ղեկավարը, որը պատասխանատու է արտադրության և հանրային ծառայությունների կարիքների (պաշտպանական կառույցների պահպանման, շահագործման ու օգտագործման) համար և պետական գույքի կառավարման մարմնի ներկայացուցիչը: Այն համաձայնեցվում է տարածքային կառավարման մարմնի համապատասխան ներկայացուցչի և ՀՀ ՆԳՆ փրկարար ծառայության տարածքային ստորաբաժանման ղեկավարի հետ:

Բնակավայրերի տարածքում տեղակայված պարզագույն թաքստոցների տարածքները տնտեսական նպատակով օգտագործող իրավաբանական և ֆիզիկական անձինք համայնքի ղեկավարի հետ կնքում են պայմանագիր տվյալ տարածքներն, անհրաժեշտության դեպքում, բնակչության պատասպարման կազմակերպման համար օգտագործելու վերաբերյալ: Նշված պայմանագրերի օրինակելի ձևերը հաստատում է Հայաստանի Հանրապետության կառավարությունը [2]:

Խաղաղ ժամանակ պաշտպանական կառույցները, համաձայն քաղաքացիական պաշտպանության ինժեներատեխնիկական միջոցառումների նորմերի պահանջների, կարող են օգտագործվել տնտեսական նպատակներով, որի ժամանակ պետք է ապահովվի շինությունների և կառուցվածքների պահպանությունն ավերածությունից ու խոնավությունից և իրականացվի դրանց ժամանակին պատրաստականության բերումը պատասպարվողների ընդունման համար: Որոշ դեպքերում, քաղաքացիական պաշտպանության ծառայությունների հետ համաձայնությամբ, դրանք փոխանցվում են այլ կազմակերպություններին՝ արտադրական կարիքների համար:

Պաշտպանական կառույցների օգտագործումը տնտեսական նպատակով թույլատրելի է պաշտպանական կառույցների ծավալի 40 %-ի չափով և ազատման ժամանակը պետք է լինի ոչ ավելի, քան 6 ժամ [5]:

Պաշտպանական կառույցների օգտագործումը՝ ելնելով տնտեսության շահերից, որպես **Գ** և **Դ** դասի հրդեհավտանգության արտադրական ու տեխնոլոգիական սենքեր, պետք է բացառի դրանցում ընթացող տեխնոլոգիական գործառույթների զուգակցումը մարդու համար վնասարար հեղուկ, գոլորշային, գազային արտածումներով և չպահանջի բնական լուսավորություն: Պաշտպանական կառույցների օգտագործումը նպատակահարմար է որպես հերթապահ

էլեկտրիկների, կապի սպասավորների, վերանորոգող աշխատախմբերի սենքեր, չիրկիզվող նյութերի և չիրկիզվող փաթեթավորմամբ հրկիզվող նյութերի պահեստարաններ:

Նախքան ապաստարանը կամ կացարանը վարձակալության հանձնելը, ապագա վարձակալից պահանջվում է կառույցի սենյակների օգտագործման նախագիծ կամ պլան: Դրանից հետո միայն կնքվում է պայմանագիր, որին կցվում են ընդունման վկայականը և պարտավորությունը:

Պաշտպանական կառույցի վարձակալություն ստացած անձն իրավունք չունի այն փոխանցել այլ ձեռնարկությունների, հիմնարկների, կազմակերպությունների կամ անձանց:

Վարձակալը պարտավոր է առնվազն երկու տարին մեկ անգամ իր միջոցներով վերանորոգել տարածքները, սարքավորումները և գույքը, ինչպես նաև դրանք պահել մաքուր ու միշտ պատրաստ: Եթե վարձակալները չեն պահպանում պահպանման ու շահագործման կանոնները, ապա նրանք ենթարկվում են պատասխանատվության և պայմանագիրը լուծվում է:

Ելնելով տնտեսության շահերից պաշտպանական կառույցները վարձակալության հանձնելու բոլոր դեպքերում պետք է պահպանվի մի անփոխարինելի պայման՝ կառույցի օգտագործման արդյունքում սարքավորումները չպետք է շարքից դուրս գան, կառուցատարրերը չպետք է վնասվեն, պաշտպանական հատկությունները չպետք է վատթարանան և չպետք է նվազի կառույցի պատրաստությունը պատասպարվողներին ընդունելու համար: Նման կառույցներում խստիվ արգելվում է լվացքատների, քիմաքրման կետերի, խանութների տեղադրումը, դյուրավառ, թունավոր հեղուկների, քիմիական նյութերի պահեստավորումը, ինչպես նաև խցիկներում ծանր ու ծավալուն սարքավորումների տեղադրումը:

Պաշտպանական կառույցները՝ որպես պահեստ, ավտոկայանատեղեր, արտադրամասեր օգտագործելիս թույլատրելի է տարածքների զբաղվածությունն այդ կառույցների գնահատված հզորությունից պատասպարվողների 50 %-ի ապահովման չափով (առանց ազատելու պահեստավորված գույքը):



**Նկ. 1. Խաղաղ ժամանակներում պաշտպանական կառույցի օգտագործումը որպես պահեստ**

Ելնելով բնակչությանը մատուցվող ծառայությունների շահերից խաղաղ ժամանակներում պաշտպանական կառույցները կարող են օգտագործվել որպես՝

- սանիտարակենցաղային սենք (զգեստապահարաններով ցնցուղարան, լվացարան և այլն),

- ուսումնական պարապմունքների ու մշակույթային սպասարկման սենքեր,
- մարդատար ավտոտնակներ, ստորգետնյա ավտոկայանատեղեր,
- առևտրի և հասարակական սննդի սենքեր (խանութներ, ճաշասրահներ, սրճարաններ, խորտկարաններ),
- մարզական սենքեր (հրաձգարաններ, մարզասրահներ),
- բնակչության կենցաղային սպասարկման սենքեր (կենցաղային տներ, արվեստանոցներ, արհեստանոցներ, ընդունման կետեր, լուսանկարչարաններ և այլն),
- շենքերի սպասարկման կառավարման գրասենյակներ և ծառայություններ,
- տարբեր բնույթի ընդունելության կենտրոններ,
- առողջապահական հաստատությունների օժանդակ սենքեր [5]:



**Նկ. 2. Խաղաղ ժամանակներում պաշտպանական կառույցի օգտագործումն ուսումնական պարապմունքների համար**

Եթե շենքում տեղադրել են ցուցադրական սրահներ և ցուցահանդեսներ, որտեղ երկարատև կլինեն մեծ թվով մարդիկ, նպատակահարմար է դրանցում տեղադրել լրացուցիչ օգափոխիչներ և էլեկտրական տաքացուցիչներ: Հնարավոր է սարքավորել օդի բաշխման լրացուցիչ ցանց: Բացառիկ դեպքերում թույլատրվում է մասամբ փոխել դասավորությունը, օրինակ՝ բաժանմունքները բաժանել (բլոկ, մետաղական ցանց և այլն) թեթև հրակայուն միջնապատերով:



**Նկ. 3. Խաղաղ ժամանակներում պաշտպանական կառույցի օգտագործումը որպես սպորտային դահլիճ**

Այսպիսով՝

1. պաշտպանական կառույցների օգտագործումը խաղաղ ժամանակ տնտեսության և հանրային ծառայությունների կարիքների համար ՀՀՇՆ 31-10-2022 և այլ կարգավորող փաստաթղթերի պահանջներին համապատասխան, չպետք է նվազեցնի այդ կառույցների պաշտպանական հատկությունները և դրանք պատրաստության բերման ժամկետները, իրենց նպատակների համար օգտագործման պատրաստականությունը:
2. Խաղաղ ժամանակներում պաշտպանական կառույցներն այլ նպատակներով օգտագործելու հնարավորությունները թույլատրվում է ՀՀ պաշտպանության և ՀՀ ներքին գործերի նախարարությունների տարածքային մարմինների համաձայնությամբ:
3. Տարածքների ազատումը գույքից իրականացվում է պատսպարման ռեժիմի անցման ժամանակ 6 ժամից ոչ ավելի ժամանակում:
4. Քաղաքացիական պաշտպանության օբյեկտների և գույքի օգտագործման կարգի մասին կանոնակարգը և քաղաքացիական պաշտպանության օբյեկտների ու գույքի նկատմամբ իրավունքների և պարտականությունների օրինակելի պայմանագիրը սահմանված է ՀՀ կառավարության որոշմամբ:

### Գրականություն

1. «Քաղաքացիական պաշտպանության մասին» ՀՀ օրենքը 05.03.2002թ.:
2. Հայաստանի Հանրապետության կառավարության 2000թ-ի սեպտեմբերի 28-ի «Բնակչության պատսպարման կարգը հաստատելու մասին» № 592 որոշում:
3. ՀՀՇՆ 31-10-2022, «Քաղաքացիական պաշտպանության պաշտպանական շինություններ, նախագծման նորմեր», ՀՀ քաղաքաշինության կոմիտե, Եր., 2022. - 128 էջ:
4. ՀՀԿԿ 23-101-2017 «Բնակչության սակավաշարժ խմբերի և հաշմանդամություն ունեցող անձանց համար շենքերի և շինությունների մատչելիության ապահովման նախագծման կանոնների հավաքածու» շինարարական նորմեր, ՀՀ քաղաքաշինության կոմիտե, Եր., 2018. - 105 էջ:
5. Գասպարյան Ա.Զ., Ղարիբյան Հ.Պ., Քաղաքացիական պաշտպանության պաշտպանական կառույցները և դրանց շահագործումն ու սպասարկումը: ՌԽումնական ձեռնարկ: «Աստղիկ Գրատուն»: Եր., 2022. - 198 էջ:

**А.П. Карибян, А.З. Гаспарян**

### ИСПОЛЬЗОВАНИЕ ЗАЩИТНЫХ СООРУЖЕНИЙ В МИРНОЕ ВРЕМЯ

*Укрытие населения осуществляется в надземных и подземных специальных зданиях (убежищах, тайниках), а также на территориях жилого фонда. Понятно, что упомянутые выше надземные и подземные специальные здания являются сооружениями гражданской защиты, предназначенные для укрытия людей и материальных ценностей.*

*Использование защитных сооружений для хозяйственных и общественных нужд мирного времени является актуальной задачей.*

**Ключевые слова:** *защитное сооружение, укрытие населения, простейшее укрытие, надземные и подземные специальные здания.*

H.P. Gharibyan, A.Z. Gasparyan

## USE OF DEFENSE STRUCTURES IN PEACEFUL CONDITIONS

*Shelter of the population is carried out in above-ground and underground special buildings (shelters, caches), as well as in the territories of the housing stock. It is clear that the above-mentioned above-ground and underground special buildings are civil defense structures intended for the shelter of people and material values. The use of protective structures for economic and public needs in peacetime.*

**Key words:** *defense structure, population sheltering, simple shelter, aboveground and underground special building.*

**Ղարիբյան Հայկանդուխտ Պապինի** – տեխ. գիտ. թեկն., դոցենտ (ՀՀ ՆԳՆ ՃԿՊԱ)

**Գասպարյան Արայիկ Զավենի** - դասախոս, ԷԿԱՄ գիտությունների ակադեմիայի  
թղթակից անդամ, կ/ծ գնդապետ (ՀՀ ՆԳՆ  
ՃԿՊԱ)

*Ներկայացման ամսաթիվը՝ 12.09.2023*

*Գրախոսման ամսաթիվը՝ 28.09.2023*